

猩紅熱新書



中華民國二十五年十二月出版

版權所有 不准翻印

著 校 發 印 代
作 訂 行 刷 售

國內外各大書局

總經理 王 局 莊



南京中医药大学图书馆版权所有



著者造象

飽閱滄桑劫後身松

濱賣藥亦前因莫言

世態風雲變且喜廬

山面目真薄技自慚

傳遠近壯心空歎老

風塵興安積雪龍江

水願化仁漿大地春

丙子孟夏竹岑氏

自題於濱江壽

人醫廬

貌怡神清。學博而精。君謂良相。一世之英。岐伯仲景。千載常生。相須因時。

醫不紛更。潛心覃思。閱久功成。惟茲宏著。海內所傾。弟綱敬題

中西妙術。著手成春。醫民醫國。我拜斯人。鄉世愚弟范國才敬題

青囊一卷妙方傳。仁術仁心功補天。志在活人先壽己。藹然道貌著神仙。

葛居震拜題

是太醫令再世。是啓玄子前身。故著述之新穎。貌藹藹而神真。讀公之書。與六

科準繩齊珍。宜公之歲。與念西居士同春。如弟邵甘棠拜題

岸然道貌。有長者風。其活人也。與良相相同。其處方也。宗仲聖而工。其惠當

世以式後賢也。允矣哉泝洄辨惑。斯異曲而同宮。愚弟李恕敬題

猩紅熱新書序一

王竹岑先生家於皖。皖推爲善士。遊於吉。吉尊以長者。於圭癸酉到哈。遇諸逆旅。一見傾誠。蓋因先生德重道高。品優學粹。而於醫術尤爲擅長。先生於內經難經傷寒金匱千金外臺。以及宋元以後百家之書。無不瀏覽。其學問淵博。研究之精深。實爲圭所欽佩。所師事者也。先生歷年著有傷寒說約。溫熱說約。痘疹須知。婦科求真集諸書。皇皇名論。嘉惠醫林。近來鑒於溫疫流行。濱江一隅。猩紅熱一症。甚爲猖獗。一經傳染。立召危亡。談虎變色。羣醫束手。一若猩紅熱一症。直無方無藥可以治療者。先生慨然憫之。特著猩紅熱新書一書。起將來之沉疴。免無窮之夭札。先生造福於社會功德大矣。圭於岐黃

之學。粗涉其藩。未窺其奧。因先生之熱心濟世也。遂爲詳加校對。勸付剞劂。甚願醫家各手執一篇。病家各家藏一帙。對症用藥。以免自誤。誤人。作幼科之慈航。登斯民於仁壽。庶不負先生之心。是區區厚望於世者如此。是爲序。

歲次乙亥孟夏月中浣後學王尙圭拜序

序二

徽醫王竹岑先生名鉞。祖籍壽春。家世業醫。光緒壬寅癸卯恩正兩科。皆頂薦不售。毅然業醫。內難傷寒金匱外。讀書不宗一家。最服膺千金外臺喻子嘉言柯子韻伯尤子在涇徐子靈胎葉子香巖陳子修園王子孟英俞子根初諸家之言。治病則因人審證。因證求本。不

執效方。著有傷寒說約。溫瘟說約。痘疹須知三書。痛婦科無善本。復採各家之長。著婦科求真集六卷。雖未脫稿。而見之於大北報者。多至理名言。近因猩紅熱時證。夭折青年太衆。又輯著猩紅熱新書。初名易知錄。都凡十條。讀其前七條。則知猩紅熱病因。易辨脈證陰陽。不難於處方選藥。讀第八第九兩條。則治病易求其本。讀第十條古今驗案。則一隅易於三反。醫各手執一帙。不致誤人。人各手執一帙。亦不爲人所誤。猩紅劫運。大可由此而解。顏曰易知。則誠易矣。雖然。與先生相處有年。知之最深。先生性謙學博。從不以淺易待人。此云易知。似不只此一義。易與宜相近。卽云猩紅熱證。人能知所宜知。方能治所宜治可也。且易集日月而成。月陰而日陽。卽云此證惟通。

陰陽造化者。始易知之治之亦無不可也。是又先生欲人至遠自邇。登高自卑。因其易而進究其難。共挽厄運言外之旨爾。

歲次乙亥四月之吉河北樂亭後學亦凡孫異拜序

序三

曩者沈朗清君輯腦膜炎新書囑序。今復有王竹岑君輯猩紅熱新書囑序。夫腦膜炎猩紅熱俱西醫所稱。非中醫所應取。然世人懾於西醫之宣傳。而誤爲二十世紀之新發現。非中醫所知。亦非中醫所能治。是則不可不有以破其大惑。王君所謂非敢以新奇眩人。實欲因勢而利導之。固別有苦心在也。雖然猩紅熱之名。果創自西醫。但於病原。Dohle氏以爲血液中 Amoeba 狀運動之寄生物。Baginsky氏

以爲連環狀球菌。迄今尙難公認。其於療法。惟賴衛生食餌。微溫浴。石炭酸軟膏。扁桃油。鹽化加里。冷濕布纏絡等。血清及光線療治。在今日尙難見效。（見商務印書館內科全書）據此。世人惑於西醫。而西醫治療此病之成績。不免使人懷疑也。大抵此病之所以危重。極易引起各方之變化。如於循環器。多心筋炎。心囊炎。心內膜炎。或續發猩紅熱性腎臟炎。而血壓亢進。脈搏緊張。心臟肥大。於呼吸器。多咽頭後膿瘍。咽頭壁穿破。及大葉性肺炎。小葉性肺炎。氣管枝肺炎。肋膜炎等。於消化器。多爲下痢。鼓腸。腸出血。及壞死性胃炎。脾臟腫大。於神經系統。亦易起嚙語。不安。不眠。小兒則痊攣甚。呈危險之昏瞶及腦膜炎。故於猩紅熱之猖獗。非有準確之診斷。施以效驗之藥。

物。決難止其傳變而保其十全。王君之作本書。倘有見於此乎。王君大聲疾呼曰。猩紅熱盡人皆有。輕者不治自愈。重者助之外出亦愈。一本中醫之學理。審其因。辨其症。察其形色。驗其舌苔。測其體溫。診其脈搏。選其方藥。慎其治療。復采先賢成案。明其變化。證其效果。所稱危殆之病。何似輕微之恙。世人駭爲新病奇病。非新法不足以治。活活送之寒冰之下者。其劫運將自此而轉矣。名曰新書。誰曰不宜。余嘗慨中醫處茲凌替之秋。惟有發揮切實之本能。庶有復興之望。若徒恃口舌以爭一日之短長。雖勝亦徒然。吾讀王君書而更喜其能實踐吾志也。是爲序。

中華民國二十五年雙十節上海秦伯未

自序

猩紅熱盡人皆有。輕者不治自愈。重者助之外出亦愈之平常病也。世人不察。富貴人家。既徇猩紅熱新名。駭爲新病奇病。非新法不足治療。活活送之寒冰之下。而泥古之醫。又執升竄燥熱之藥。疹痘不分之方。施之於溫熱方張。伏毒外透之際。活人活病。活活悶亂以亡。良可歎息。此慧辛氏匯通中外。發明猩紅熱新藥。復又大聲疾呼曰。猩紅熱卽運毒外出之癍疹。順其性引之外出。十病十痊。逆其性抑之內陷。十難一活。又曰癍疹爲送毒外出之徵。其熱與汗皆運毒外出之本也。鉞詳參近代名家治法驗案。皆不出此。深幸慧辛氏讀書得間。猩紅劫運。或可由此而解。乃三省邊遠。各大埠鎮。每值冬春二

季。死於猩紅熱者。猶不見減。既乏新藥。復缺新書。墨守似是而非之
死法。以應變化無常之活病。除夕無事。摘錄古今達法。及生平所驗。
顏曰。猩紅熱新書。非敢以新奇眩人。實因世人囁於新流行之名詞。
因勢而利導之。欲人人喜其新而閱之。閱之久。知病之本。因方之定
法。藥之專能。不再自誤誤人。無數青年。庶可同登壽域。爾時乙亥暮
春。南塘王鉞。錄於濱江壽人醫廬。

猩紅熱新書目次

王尙圭序

孫亦凡序

秦伯未序

自序

總論

第一條 審因

第二條 辨證

第三條 察形色

第四條 驗舌胎

第五條 察體溫

第六條 診脈搏

第七條 選方藥

第八條 慎治療

第九條 防陷伏

第十條 鑒前案

論人造癰與自誤

猩紅熱新書

古壽春王鉞竹岑輯著

長沙後學白堅王尙圭校訂

總論

猩紅熱爲溫熱瘟疫病中之一證。卽我國醫籍疳癰癩疹痧瘡之統稱也。因其形色紅如銀朱。故東醫名之曰猩紅熱。〔猩紅爲銀朱別名。〕西醫謂爲嚙晒噢拉。乃伏氣戾氣爲病。感而卽發之時證。卽間有之。亦由誤藥而成。蓋溫邪疫氣中人。多由口鼻吸受。先入肺胃。然後傳於膜原經絡臟腑。某臟某腑氣虛不足。禦侮邪卽盤而據之。初多不能自覺。蘊藏日久。內不能容。或值冬令不寒。春令過暖。雨雪稀少。復感風寒穢異不正之乖氣。新邪觸動久伏之舊邪。內外交病。上下齊出。與其他清濁諸竅襍證一齊暴發。毒重者生死判在三二日之間。

誠屬險證惡證。然自能運毒外出。臟腑元氣究不虛歉。則邪旺正旺。醫者再能對證發藥。未始不可轉危爲安。若單病癰疹。或只兼一二襍證。咽喉二便出入之竅不全閉塞。順其性以爲之。則人人可生。其病癰疹而死者。非由病家誤認猩紅熱之新名。視爲我國歷來未有之新病奇病。非新法不足治療。一一送之寒冰之下。卽由醫家仍泥明末清初痘疹分而未分溫燥襍進之方藥。逆其外出之本性。致令欲出不能而反內陷耳。除夕無事。爰將近代名家治法。暨管見所及。擇要陳之於左。醫家病家認真體察。猩紅劫運。庶幾釋焉。

一審因 古謂癰疹係胎元之毒。伏於六腑。感天地陽邪火旺之氣。由手足太陰陽明二經而發。小兒居多。大人則少。胎毒之說。出自錢氏仲陽。謂胎在腹中。月至六七。則已成形。食母穢液。入兒五臟。食至十月。滿胃脘中。至生之時。口有不潔。產母以手拭淨。則無疾病。一說胎毒係淫慾所成。張氏山雷則謂

兒在母腹。食母穢液。是古人理想。生理之眞。殊不若是。兒初生時。口含不潔之物。先宜拭去。一有啼聲。則已下嚥。此穢入腹。必有胎毒。實是可信。鉞幼年連生二子。先母細心。二子啼聲未出。含穢先淨。二子竟病逆痘而亡。髮妻亦歿。續娶與姬人嗣生三女二子。含穢皆不知去。不獨疹瘡過稀。炎天酷暑。瘡癰皆少。蓋幼年情慾濃。中晚情慾淡。則慾火爲毒之理。似較食穢含穢爲優長。歷觀前哲達案。及生平所驗。人有一生癩疹。出至四次五次。痘瘡亦有至再至三者。且有年逾古稀。年逾花甲。出癩疹出天花者。胎毒似又不能陸續疊出。與蘊藏六七十年之久而始外出者。并有溫熱等病。如法治理。延至一候或二候三候。勢正危險。忽得戰汗涼汗。或見癩疹。逐日輕減而愈者。則因溫疫伏氣。較之胎毒。尤爲眞切可信。此昌邑黃氏獨謂痘疹非胎毒。葉香巖先生謂屬戾氣。暨陽吳達推爲創論。明言惟吳氏謂大人則無所見。未免不